

- 1' Wer synen kynden übersicht
- 2' Jrn mütwill / vnd sie straffet nicht
- 3' Dem selb zū letzt vil leydes geschicht



## Von ler der kynd

- 1 Der ist in narrheynt gantz erblyndt
- 2 Der nit mag acht han / das syn kyndt
- 3 Mit züchten werden vnderwißt
- 4 Vnd er sich sunders dar vff flyßt

5 Das er sie loß jrr gon on straff  
 6 Glich wie on hyrten gönt die schaff  
 7 Vnd jn all mütwill über sicht /  
 8 Vnd meynt sie dörrffen stroffens nicht /  
 9 Sie sygen noch nit by den joren  
 10 Das sie behalten jn den oren  
 11 Was man jn sag / sy stroff vnd ler /  
 12 O grosser dor / merck zû vnd hör  
 13 Die jugent ist zû bhaltten gering  
 14 Sie mercket wol vff alle ding /  
 15 Was man jn nüwe häfen schitt  
 16 Den selben gschmack verlont sie nitt /  
 17 Eyn junger zwyg sich biegen lat /  
 18 Wann man eyn altten vnderstat  
 19 Zû biegen / so knelt er entzwey  
 20 Zymlich stroff / bringt keyn sörglich gschrey  
 21 Die rüt der zücht vertribt on schmerz  
 22 Die narrheyt vß des kyndes hertz  
 23 On straffung selten yemans lert  
 24 Als übel wechßt das man nit wert  
 25 Hely was recht vnd lebt on sünd  
 26 Aber das er nit strofft syn kynd  
 27 Des strofft jn gott / das er mitt klag  
 28 Starb / vnd syn sün vff eyenen tag /  
 29 Das man die kynd nit ziehen will  
 30 Des fyndt man Cathelynen vil  
 31 Es stünd yetz vmb die kynd vil baß  
 32 Geb man schülmeister jnn / als was  
 33 Phenix / den Peleus synem sün  
 34 Achilli sücht / vnd zû wolt dün

b ij

---

12 zû GW5046 GW5047 ] zû GW5041    19 Zû GW5046 5047 ] 3û GW5041    23 yemans  
 GW5046 GW5047 ] yemens GW5041

35 Philippus durch sūcht kriechen landt  
 36 Biß er sym sūn eyn meister fandt  
 37 Dem grōsten künig jn der welt  
 38 Wart Aristoteles zū geselt  
 39 Der selb Platonem hort lang jor  
 40 Vnd Plato Socratem dar vor  
 41 Aber die vätter vnser zytt  
 42 Dar vmb das sie verblent der gytt  
 43 Nemen sie vff sōllich meister nūn  
 44 Der jn zūm narren macht eyn sūn  
 45 Vnd schickt jn wider heym zū huß  
 46 Halb narrechter dann er kam druß  
 47 Des ist zū wundern nit dar an  
 48 Das narren narrecht kynder han  
 49 Crates der alt sprach / wann es jm  
 50 Zū stūnd / wolt er mit heller stym  
 51 Schryen / jr narren vnbedacht  
 52 Jr hant vff gūt samlen groß acht  
 53 Vnd achten nit vff üwer kynd  
 54 Den jr sōllich richtum samlen syndt  
 55 Aber üch wirt zū letst der lon  
 56 Wann üwer sūn jn rott sōnt gon  
 57 Vnd stellen zūcht vnd eren nach  
 58 So ist jn zū dem wesen gach  
 59 Wie sie von jugent hant gelert  
 60 Dann wirt des vatters leydt gemert  
 61 Vnd fryßt sich selbst das er on nutz  
 62 Erzogen hat eyn wynterbutz  
 63 Ettlich dūnt sich in buben rott  
 64 Die lāstern vnd geschmāhen gott

---

45 huß GW5046 GW5047 ] hnß GW5041 51 jr GW5046 GW5047 ] jer GW5041

65 Die andren hencken an sich säck  
 66 Dise verspielen roß vnd röck  
 67 Die vierden prassen tag vnd nacht  
 68 Das würt vß solchen kynden gmacht  
 69 Die man nit jn der jugent zücht  
 70 Vnd *mit* eym meister wol versicht  
 71 Dann anfang / mittel / end / der ere  
 72 Entspringt alleyn vß güter lere  
 73 Eyn löblich ding ist edel syn  
 74 Es ist aber frömbd / vnd nit din  
 75 Es kumbt von dinen eltern har /  
 76 Eyn köstlich ding ist richtum gar  
 77 Aber des ist des gelückes fall  
 78 Das vff vnd ab dantzt wie eyn ball /  
 79 Eyn hübsch ding der welt glory ist /  
 80 Vnstantbar doch / dem allzyt gbrist /  
 81 Schönheit des libes man vil acht  
 82 Wert ettwann doch kum über nacht /  
 83 Glich wie gesuntheyt ist vast lieb  
 84 Und stielt sich ab doch wie eyn dieb  
 85 Groß sterck / acht man für köstlich hab  
 86 Nymbt doch von kranckheyt / alter ab /  
 87 Dar vmb ist nützt vndötlich mer  
 88 Vnd bliblich by vnß dann die ler  
 89 Gorgias frogt / ob sellig wer  
 90 Von Persia der mächtig her  
 91 Sprach Socrates / ich weiß noch nüt  
 92 Ob er hab ler vnd tugent üt /  
 93 Als ob er sprech / das gwalt vnd golt  
 94 On ler der tugent nützet solt

b3r

b ij

---

70 mit ] (Einfügungszeichen) GW5041 fehlt GW5046 90 Persia GW5046 GW5047 ] Perfia GW5041